

სახელმწიფო შესყიდვების შესახებ
მომსახურების ხელშეკრულება N 74

ქ. თბილისი

20.12.2016

ერთის მხრივ ფ/პ არჩილ ექვთიმიშვილი პ/ნ 01011075209 შემდგომში “შემსრულებლად” წოდებული და მეორეს მხრივ ს.ს.ი.პ. „აფხაზეთის ავტონომიური რესპუბლიკის საინფორმაციო უზრუნველყოფის ცენტრი“ წარმოდგენილი მისი დირექტორის ავთანდილ დავითაიას სახით, შემდგომში “დამკვეთად” წოდებული, ერთად წოდებული “მხარეები” ვთანხმდებით და ვდებთ წინამდებარე ხელშეკრულებას შემდეგზე:

1. ხელშეკრულების საგანი:

1.1 „დამკვეთი“ ავალებს ხოლო „შემსრულებელი“ კისრულობს ვალდებულებას ჩაატაროს შემდეგი მომსახურება - ს.ს.ი.პ. „აფხაზეთის ავტონომიური რესპუბლიკის საინფორმაციო უზრუნველყოფის ცენტრი“-ს საკუთრებაში არსებულ სატრანსპორტო საშუალების, სანომრე ნიშნით AA871DD მიმდინარე შეკეთება/რემონტი. (CPV- 50110000) .

2. მხარეთა უფლებები და ვალდებულებები:

2.1 “შემსრულებელი” ვალდებულია:

- 2.1.1. დაიწყოს მომსახურება ხელშეკრულების ხელმოწერის დღიდან.
- 2.1.2. მოქმედი კანონმდებლობის, ნორმებისა და სტანდარტების, “დამკვეთთან” დადებული ხელშეკრულების პირობების, პროფესიული ცოდნისა და გამოცდილების საფუძველზე დამოუკიდებლად განსაზღვროს მომსახურების ჩატარების ფორმები და მეთოდები.
- 2.1.3 მიიღოს “დამკვეთის” ან მესამე პირების ხელთ არსებული ყველა საჭირო დოკუმენტი, რომლებიც შეეხება მომსახურების საგანს. ასეთი დოკუმენტების მქონე მესამე პირები ვალდებული არიან წარუდგინონ ისინი შემსრულებელს “დამკვეთის” მიერ დამოწმებული მოთხოვნის შესაბამისად.
- 2.1.4. საიდუმლოდ შეინახოს მომსახურების დროს მიღებული ინფორმაცია, არ გაავრცელოს საიდუმლოების შემცველი ცნობები, არ გამოიყენოს ისინი თავიანთი ან მესამე პირის ინტერესებისათვის.
- 2.1.5. მომსახურების დასრულების შემდეგ წარუდგინოს “დამკვეთს” დასრულებული მომსახურება.

2.2 “დამკვეთი” ვალდებულია:

- 2.2.1 “შემსრულებელს” დროულად, მოთხოვნისთანავე გადასცეს მომსახურების ჩასატარებლად საჭირო მთელი დოკუმენტაცია, წარმოდგენილ დოკუმენტაციის უტყუარობაზე, სისრულეზე და შესაბამისობაზე პასუხისმგებლობა ეკისრება “დამკვეთს” და/ან მესამე პირს.
- 2.2.3. დროულად აანაზღაუროს შემსრულებლის მომსახურება ამ ხელშეკრულების პირობების შესაბამისად.

3. მომსახურების ღირებულების და ანგარიშსწორების წესი:

- 3.1. ამ ხელშეკრულებით გათვალისწინებული მომსახურების სავარაუდო ღირებულება წინასწარი დათვალიერებით შეადგენს 135 (ას ოცდათხუთმეტი) ლარი და 33 თეთრი დღგ-ს ჩათვლით;
- 3.2. შემსრულებელთან ანგარიშწორება განხორციელდება უნაღდო ანგარიშსწორების ფორმით ეროვნულ ვალუტაში;

3.3. ანგარიშსწორება განხორციელდება მომსახურეობის მიღების შემდეგ, მხარეთა შორის მიღება ჩაბარების აქტის გაფორმებიდან 5 (ხუთი) დღეში (წინასწარი, საავანსო გადახდა არ გამოიყენება).

3.4. სახელმწიფო შესყიდვის დაფინანსების წყაროა: აფხაზეთის ავტონომიური რესპუბლიკის ბიუჯეტი.

4. მხარეთა პასუხისმგებლობა:

4.1. მომსახურეობის საფასურის გადახდის დაგვიანებისათვის “დამკვეთი” ვალდებულია გადაუხადოს “შემსრულებელს” ჯარიმა ყოველ ვადაგადაცილებულ დღეზე ხელშეკრულებით განსაზღვრული თანხის 0,1%-ის ოდენობით;

4.2 “შემსრულებლის” მიზეზით “დამკვეთისათვის” მომსახურების გადაცემის დაგვიანებისათვის “შემსრულებელი” იხდის ჯარიმას ყოველი ვადაგადაცილებულ დღეზე ხელშეკრულებით განსაზღვრული თანხის 0,1%-ის ოდენობით, ხოლო მომსახურების არ წარმოდგენის შემთხვევაში პირგასამტეხლოს, ხელშეკრულებით განსაზღვრული მომსახურების სრული საფასურის ოდენობით.

4.3 სხვა შემთხვევაში ამ ხელშეკრულებით განსაზღვრული თავისი მოვალეობების შეუსრულებლობისათვის ან არასათანადოდ შესრულებისათვის მხარეები პასუხს აგებენ მოქმედი კანონმდებლობის შესაბამისად.

5. ფორს-მაჟორი:

5.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და შემსრულებლისათვის ხელშეკრულების შესრულების გარანტიის დაუბრუნებლობას.

5.2. ამ მუხლის მიზნებისათვის “ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული “დამკვეთსა” და/ან “შემსრულებლის” შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და სხვა.

5.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა აცნობოს წერილობით მეორე მხარეს ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

6. დავათა გადაჭრა:

6.1. მხარეები სადაო საკითხებს წყვეტენ ურთიერთშეთანხმების საფუძველზე, წინააღმდეგ შემთხვევაში მიმართავენ სასამართლოს.

7. ხელშეკრულების ძალაში შესვლა და მოქმედების ვადები:

7.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2016 წლის 31 დეკემბრის ჩათვლით.

8. ზოგადი დებულებები:

8.1. წინამდებარე ხელშეკრულებაში ცვლილებები და დამატებები შეიძლება შეტანილ იქნეს წერილობითი ფორმით და ძალაში შედის მხოლოდ ორივე მხარის სრულუფლებიან წარმომადგენელთა მიერ მათი ხელმოწერის შემდგომ.

8.2. მხარეები თანხმდებიან, რომ ის ურთიერთობანი, რომელიც არ წესრიგდება წინამდებარე ხელშეკრულებით რეგულირდება საქართველოს მოქმედი სამოქალაქო კანონმდებლობით.

8.3. ხელშეკრულება დადებულია ქართულ ენაზე, ორი თანაბარი იურიდიული ძალის მქონე ეგზემპლარად, თითოეული მხარისათვის.

9. მხარეთა რეკვიზიტები და ხელმოწერები:

დამკვეთი:

ს.ს.ი.პ. „აფხაზეთის ა/რ საინფორმაციო
უზრუნველყოფის ცენტრი“

ს/კ: 205 310 983

მისამართი: ქ. თბილისი, ალექსანდრე ყაზბეგის
გამზირი №42 (იურიდიული მისამართი)
მიხეილ თამარაშვილის ქუჩა № 15^ა (ფაქტიური)

სახელმწიფო ხაზინა
ხაზინის ერთიანი ანგარიში

ბანკის კოდი: N TRESGE22

ცენტრის დირექტორი



შემსრულებელი:

ფ/პ არჩილ ექვთიმიშვილი

პ/ნ 01011075209

მისამართი: ქ. თბილისი.

ს.ს თბილისი ბანკი

ბანკის კოდი TBCBGE22

ანგარიშის N: GE92TB7858945061100029

ფ/პ

/არჩილ ექვთიმიშვილი/